



乾
隆
府
廳
州
縣
圖
志

湖
南

ル 5
1353
13



門
話
卷



呂
1333
13



湖南全圖 統計九府四直隸州

麻陽	常德府	新田	江華	衡陽府	長沙府
宜章	龍陽	武岡	寶慶府	常寧	益陽
桂陽	順府	沅江	邵陽	安仁	善化
桂東	保靖	桃源	武岡	衡山	湘陰
靖州	桑植	辰州	新化	永	醴陵
道會同	澧州	沅陵	寧城	岳州	湘鄉
綏寧	州	安鄉	岳州	岳州	茶陵
桂陽州	利安	瀘溪	岳州	岳州	寧鄉
嘉禾	臨武	石門	平江	江陵	東安
	藍	永定	沅州	華容	衡州
		慈	芷江	黔	
		柳州			
		興			

乾隆丁酉德川系圖卷



直隸平屬少界圖

湖南境眾水歸合表

洞庭湖湘水	孤山水 滄浪水	資水 沅水 澧水 春水	高口水 祁水 瀟水 營水 桂水 新水 白水 白江 東江 涪水 永水	枉水 漸水 施水 酉水 諸水 夷水 武水 辰水 叙水 無水 沅水 辰水 龍水 郎水	益水 伊水 巫水 都水 洞水 邵水 桃花江 又資水 支流 東注	涇水 澧水 澧水 道水 澧水 九渡水 溫泉水 茹水 又資水 武溪水 支流 西河	攸水 茶水 脂水 雲水 瀨水 沙水 灤水 顏水 永樂江	涿水 肥水 壽水 屋水 北水 圍水	末水 遼水 清水 章水 武水	沱水 漆水 本名泥水 一名漆水 一名漆水 一名秦水 一名秦水
-------	------------	----------------------	---	--	--	--	---	----------------------------------	----------------------------	--

大江

洞庭湖湘水

沅水

資水

澧水

沱水

漆水

乾隆府廳州縣圖志卷三十三

賜進士及第翰林院編修充 國史館纂修官 臣 洪亮吉撰

湖南布政使司

長沙府 衝繁難

原額人丁七萬五千一百七十九
又滋生人丁一千七百一十一

禹貢荊州之域古三苗國春秋戰國屬楚秦置長沙郡漢為長沙國屬荊州後漢為長沙郡仍屬荊州三國屬吳晉永嘉元年于郡置湘州咸和三年省義熙八年復置十二年又省宋為長沙國永初三年復置湘州元嘉八年州廢屬荊州十七年復置二十九年又廢孝建初復置齊以後為長沙郡隋平陳廢郡改州曰潭州置總管府大業初府廢復改州為長沙郡唐武德四年復曰潭州置總管府天寶初曰長沙郡乾元初復曰潭州屬

江南西道大歷四年為湖南觀察使治中和三年升欽化軍節度光啟元年改武安軍節度五代時馬殷建楚國改潭州為長沙府周廣順初地入南唐既而周行逢據其地宋仍曰潭州長沙郡罷軍端拱元年復為武安軍節度屬荆湖南路元至元十三年立安撫司十四年立行省改潭州路總管府十八年罷行省為湖南道宣慰司治天臨二年又升為天臨路明初改潭州府洪武元年又改長沙府隸湖廣布政使司本朝康熙三年移偏沅巡撫駐此為湖南布政使司按察使司治所督糧道鹽法道竝駐此

府境 東西距一千里 南北距五百九十里 東至江西宜春縣界三百五十里 西至常德府沅江縣界六百五十里 南至衡州府衡山縣界二百三十里 北至岳州府巴陵縣界三百六十里

東南至江西永新縣界五百三十里 西南至寶慶府新化縣界三百八十里 東北至江西南州界二百八十里 西北至常德府沅江縣界二百里 自府治至京師四千五百五十里

土貢 鐵 鉛 硃砂 水銀 海金沙 苧布 茶 鸕鷀

管縣十一州一

長沙 善化 湘潭 湘陰 湘鄉 甯鄉 益陽 瀏

陽 安化 醴陵 攸 茶陵州

長沙縣 衝繁難郭下 有寶湘錢局橋頭驛橋頭一鎮巡檢駐此

漢置臨湘縣為長沙國都後漢為長沙郡治隋初改縣曰長沙銅官山在縣西北九十里一名雲母山酈道元云銅官山西臨湘水又銅山在縣北一百里楚鑄銅處高口水在縣西北九十里自益陽縣流至縣界入湘江今名喬

口河

宋常豐故城在縣東故尉城在縣西北七十里

陶關在縣西南晉杜崱據湘州陶侃討之因置此關

善化縣 衝繁難郭下 有暮雲一鎮

漢臨湘縣地唐為長沙湘潭二縣地宋元符元年分置善化縣明洪武九年省入長沙十二年復置

昭山在縣南六十里接湘潭縣界下有旋潭曰昭潭嶽麓山在縣西十里亦名麓山李吉甫云山隔湘江水六里蓋衡山之足也故以麓為名

靳江在縣西二十里源出湘鄉縣大鳧塘逕甯鄉善化二縣入湘

橘洲在縣西湘江中俗名下洲圖經湘江中有四洲曰橘洲直

洲誓洲泉洲

臨湘故城在府城南又長沙舊治善化舊治竝在縣南

湘潭縣 衝繁難東北至府一百里

有湘潭驛下攝朱亭二鎮縣丞駐朱亭巡檢駐黃茅

漢置湘南縣屬長沙國後漢屬長沙郡三國吳太平二年分置衡陽郡治湘南兼治湘西建甯二縣宋元嘉中移衡陽郡治湘西齊省湘南入之隋平陳廢郡并建甯縣改湘西曰衡山仍屬長沙郡唐武德四年復置建甯縣屬南雲州貞觀初省天寶八載改湘西曰湘潭屬潭州元元貞初升湘潭州明洪武初復降為縣仍屬長沙府

湘水自衡州府衡山縣流入縣境共二百八十里至縣城又北流四十里入善化縣境七十里入長沙縣境一百里入湘陰縣

境又一百七十里會青草湖入岳州府界應劭曰湘水出零山
湘西故城在縣南又湘南故城在縣西四十里建甯故城在縣
北

湘陰縣 衝繁難東至府一百二十里

有歸義驛營田蕭婆
大荆三鎮縣丞駐村
新市 子口巡檢二駐大荆

春秋楚羅汭地漢置羅縣屬長沙國後漢屬長沙郡宋分置湘
陰縣屬湘東郡齊以羅湘陰二縣并屬長沙郡梁又分置岳陽
縣并置岳陽郡及羅州陳廢羅州隋開皇初廢岳陽郡省湘陰
入岳陽縣改置玉州尋改岳陽縣曰湘陰十二年州廢羅湘陰
二縣俱屬巴陵郡唐武德八年省羅縣入湘陰仍屬岳州五代
梁屬潭州宋初屬鼎州乾德三年隸岳州淳化四年改屬潭州
元元貞初升為湘陰州明初復降為縣仍屬長沙

黃陵山在縣北四十五里一名湘山山下有黃陵亭汨羅山在
縣北七十里汨羅水中玉笥山在縣東北一名石帆山隋開皇
初設玉州于此

白水江在縣東一名澗水源出白鶴山北流會諸山水匯為東
湖又西逕城南會西湖入湘江縣境魁樓江錫江文涇江百丈
江竝注湘黃水澗水汨水竝在縣北注湘汨水又名汨羅江左
傳昭公五年楚子以驛至于羅汭應劭曰汨水在羅故名

青草湖在縣北一百里南接湘水北通洞庭湖接岳州府巴陵
縣界

縣故城在今縣西北五代周廣順三年遷今治又羅縣故城在
縣東北

赤竹城在縣南十七里

湘鄉縣

繁波難東北至府一百十里

有虞塘定勝二鎮縣丞駐永豐市巡檢駐婁底市

漢置連道縣屬長沙後漢分置湘鄉縣屬零陵郡晉以兩縣俱屬衡陽郡宋省連道入湘鄉隋并湘鄉入衡山縣唐武德四年復置屬潭州元元貞初升為州明復為縣屬長沙府

石魚山在縣西十里漣水北岸梅龍山在縣西南一百八十里漣水源出此

漣水在縣南源出寶慶府邵陽縣龍山東流逕縣境又逕湘潭縣入于湘一名湘鄉河縣境豐溪水荷葉市水側水珍漣水溫水鴨橋水青陂水堯塘水竝注漣鹽井在縣東南每水一石煎鹽五升馬氏曾置場煮之得不償費而罷

連道故城在縣西

益陽縣

衝難東至府二百里

有瓦湖一鎮

漢置縣屬長沙國後漢屬長沙郡三國吳屬衡陽郡隋仍屬長沙郡唐屬潭州元元貞初升為州明初復降為縣屬長沙府五溪山在縣北五十八里一名軍山接常德府龍陽縣界資水在縣南自寶慶府新化縣流逕安化縣西北名邵河又東北流入縣南曰益陽江又東北入常德府界縣境益水及桃花江等竝注資水應劭曰益陽縣在益水之陽關侯瀨在縣西南酈道元云南對甘甯故壘縣故城在今縣東

甯鄉縣

衝東至府一百里

有唐市鎮

漢益陽縣地三國吳分置新陽縣晉太康元年更名新康屬衡

陽郡隋平陳省八益陽唐武德四年復置新康縣七年又省宋
太平興國六年析置甯鄉縣

大瀉山在縣西瀉水出焉大霧山在縣南五十里宋建炎間金
兵至境劉廷佐駐兵大霧山即此

瀉江在縣西一百五十里東北流入長沙縣界名新康河又東
北入湘縣境為江平江玉堂江羅陂水等竝駐湘

新康故城在縣南

瀏陽縣

繁疲難西至府一百五十里

有居仁一鎮巡檢駐
梅園

漢臨湘縣地三國吳析置瀏陽縣屬長沙郡隋省唐景龍二年
復置屬潭州元元貞初升為州明洪武二年復降為縣仍屬長
沙府

七寶山在縣東七十里舊出鉛鐵礪砂青礬膽礬土黃鐵石因

名明洪武中曾開設鐵冶天圍山在縣東北一百五十里東接

江西新昌北接江西甯州頂有白沙湖流分四派一入甯州一

入袁州萬載縣一入岳州平江縣一為瀏水

瀏水在縣南西北流入長沙縣界入湘縣境淮川水渭水濟川
水竝注瀏水

縣故城在今縣東唐景龍初復置移今治

銀場在縣北焦溪嶺王存云縣有永興焦溪二銀場

安化縣

簡東南至府二百六十里

漢益陽縣地後為梅山蠻地宋初立五砦熙甯六年始置安化
縣

梅山在縣西南接寶慶府新化縣界宋熙甯中章惇發兵開梅
山道即此新化為上梅山安化為下梅山其山俱相通又辰山

在縣北一百八十里跨益陽及新化兩縣界

藍田水在縣東南八十里一名湄江源出大步嶺南流至湘鄉

縣入漣水又伊水在縣南三十里下注資江

縣故城在今縣西明洪武中始開設今治

茶場在縣西北資江上宋置

醴陵縣 簡西北至府二百九十里 有淥口一鎮巡檢駐

漢醴陵侯國後漢置縣屬長沙郡隋省入長沙唐武德四年復

置屬潭州元元貞初升為州明初復降為縣屬長沙府

王喬山在縣東三十里一名大山一名王仙山後漢書建安七

八年中長沙醴陵縣大山大鳴如牛响聲萊山在縣北三十里

左傳昭公五年沈尹戌會楚子于萊山

淥江在縣南源出江西萍鄉縣西流入縣境又西流入湘潭縣

東南入湘水一名漣水又北江亦自萍鄉縣流逕攸縣東北流

入縣境又西流注淥江姜灣水莊埠港水竝注淥

攸縣 繁疲難北至府二百八十里 有巡檢駐鳳嶺

漢置縣屬長沙國後漢屬長沙郡三國吳分置陰山縣齊屬湘

東郡梁陳時改曰攸水縣隋省攸水陰山入湘潭唐武德四年

復分湘潭置攸陰山二縣并置南雲州又析置安樂新興二縣

貞觀元年州廢徙湘潭省安樂新興陰山三縣入攸縣屬衡州

五代梁時馬氏改屬潭州元元貞初升為州明洪武二年復降

為縣屬長沙府

攸水在縣東十五里自江西安化縣流入西入淥水縣境銀坑

水東江水羅浮水竝注攸水金水在縣東北一百十里源出牌

山西流合明月巖仙二水入北江

縣故城在今縣東明洪武初移今治又陰山故城及梁湘潭故城竝在縣西北

茶陵州 繫難西北至府四百八十里 有永安一鎮巡檢駐視渡口

漢置茶陵縣屬長沙國後漢屬長沙郡三國吳屬湘東郡隋省入湘潭唐聖歷元年復置屬衡州宋紹興九年升為茶陵軍元初軍廢復為縣至元十九年升為州明屬長沙府

景陽山在州東接江西永新縣界一名茶山茶水出焉史記炎帝葬于茶山之野又露嶺在州西北三十里上產鐵

泚水本名泥水在州東南自衡州府酃縣流入又西流入衡州府衡山縣界一名泚江班固云茶陵泥水西入湘行七百里州境漚江沙江洮江顏江茶水脂水等竝注泚
茶陵故城在今州東五十里唐復置移今治

馬王城在州東八十里金州城在州北

衡州府 衝繁難

原額人丁二萬八百九十又滋生人丁一千六百六十五

秦以前同長沙府漢屬長沙桂陽二郡地三國吳分置湘東衡陽二郡隋二郡俱廢改置衡州大業初州廢置衡山郡唐武德初復曰衡州天寶初改衡陽郡乾元初復曰衡州至德中為衡州防禦使治屬江西道五代屬楚後為周行逢所據宋曰衡州衡山郡屬荆湖南路元至元十四年改衡州路屬湖南宣慰司明洪武二年改為衡州府

本朝因之分巡衡永郴桂道駐此

府境 東西距四百六十里南北距二百八十里

八到 東至江西永甯縣界二百八十里西至寶慶府邵陽縣界一百二十里

南至桂陽州界一百六十里
北至長沙府湘潭縣界一百六十里
東南至郴州治三百里
西南至永州府治三百五十里
東北至吉安府治八百七十里
西北至長沙府湘鄉縣界一百六十里
自府治至京師四千二百二里

土貢

錫 葛 綿紙 蠟 山礬 地榆 萬年松 長髮

管縣七

衡陽 清泉 衡山 耒陽 常甯 安仁 酃

衡陽縣

衡繁疲難郭下 有寒溪一鎮

漢置酃縣屬長沙國後漢屬長沙郡三國吳為湘東郡治又析置臨丞縣屬衡陽郡晉湘東郡治酃兼領臨丞縣太元二十年省酃縣入臨丞移郡治焉隋改縣曰衡陽為衡山郡治唐武德四年復曰臨丞開元二十年又曰衡陽仍為衡州治

蒸水自寶慶府邵陽縣流入縣北又東北入湘縣境濱陂水梁江水武水清陽水柿江水竝注蒸水又斜陂水上潢水竝注湘梅浦水合耒水注湘

酃湖在縣東水可釀酒名酃醪酒圖經今作零湖與耒水通可溉田百頃

酃縣故城在縣東又漢鍾武故城在縣西南承陽故城在縣西
清泉縣 疲難郭下 有巡檢駐新城

乾隆二十一年分衡陽縣置

衡山縣

衡繁難南至府一百里 有雷家市一鎮巡檢二駐 草市永壽里

漢湘南縣地三國吳太平二年立衡陽郡兼置衡陽湘西二縣晉改衡陽縣曰衡山隋初郡廢省衡山改湘西曰衡山屬長沙郡唐屬衡州宋淳化四年改屬潭州元屬天甯路明屬衡州府

衡山在縣西周禮職方氏正南曰荊州其山鎮曰衡山郭璞云衡山南嶽也俗謂之响巘山今南嶽廟在縣西北三十里

泚水一名茶陵江自長沙府攸縣西流至縣東入湘

縣故城在今縣東北唐神龍中移今治

銀場在縣西宋史衡山有黃籛銀場

耒陽縣 衝繁難西北至府一百五十里 有羅渡一鎮

漢置縣屬桂陽郡隋改曰耒陰屬衡山郡唐武德四年復曰耒陽屬衡州元至元十九年升為州明洪武二年復降為縣

侯計山在縣東七十里酈道元云漢水東出侯計山

耒水在縣東南自郴州永興縣流入又北至衡陽縣東北耒河口又西北入湘一名日華水縣境肥水平陽水潯江水馬水並

注耒

縣故城在今縣東北四十五里梁陳間治此唐武德四年復還漢晉舊治即今治也又後漢桂陽郡故城在縣西陳新城廢縣在縣北五十里

金州城在縣北

常甯縣 難東北至府一百二十里

漢耒陽縣地三國吳析置新甯縣晉屬湘東郡隋屬衡山郡唐屬衡州天寶初改曰常甯元至元十九年升為州明洪武二年降為縣

湘水自永州府祁陽縣流入縣西北又東北逕衡陽衡山入長沙府界縣境春水東江水吳水宜水並注湘

三國吳新平故城在縣西南新甯故城在縣西北

安仁縣 簡西至府一百五十里 有安平潭湖二鎮

漢湘南縣地晉以後為衡山縣地宋乾德三年析置安仁縣屬衡州

永樂江在縣南自郴州永興縣流入又西北流至衡山縣入泚

屬衡州府

雲秋水在縣西四十里源出雲秋山東北流復折西北入泚縣境河漢渡水泚泉水等竝注泚

炎帝陵圖經在縣西三十里宋乾德五年始顯開寶四年詔置守陵七戶

本朝康熙七年以來頻遣官致祭

原額人丁五萬二千五百一十四
又滋生人丁五百三十四

秦以前同長沙府漢初零陵郡地後漢移郡治泉陵三國屬吳

隋平陳郡廢置永州兼置總管府尋廢大業初復曰零陵郡唐

武德四年復置永州天寶初復曰零陵郡乾元初復曰永州屬

江南西道五代屬湖南宋亦曰永州零陵郡屬荆湖南路元為

永州路至元十三年置安撫司十四年改置總管府屬湖廣行

省明洪武初改永州府

本朝因之理徭同知駐江華

府境

東至衡州府常甯縣界二百里
西至廣西全州縣界一百四十里
南至廣西富川縣界一百二十里
北至寶慶府邵陽縣界一百七十里
東南至桂陽州治三百五十里
西南至廣西平樂府治六百三十里

八到

東北至衡州府治三百五十里
西北至寶慶府治三百八十里
自府治至京師六千八百八十里

土貢 鐵 錫 石屏 細葛 香茅 零陵香 方竹 茶 青礫 石磬

管縣七州一

零陵 祁陽 東安 道州 甯遠 永明 江華 新

田

零陵縣 衝繁難郭下 有順化雷石鳴水瀟湘四鎮縣丞駐

漢置泉陵侯國屬零陵郡後漢移郡來治隋改縣曰零陵仍為郡治

永山在縣南州因以名永水出焉入湘江

泉陵故城在縣北

呂蒙城在縣北

湘口關在縣西北瀟湘二水合流處

祁陽縣 衝繁西南至府一百里 有排山驛白水樂山文明沙鎮大營五鎮巡檢二駐歸陽市永隆市

漢泉陵縣地三國吳析置祁陽縣以縣北祁山為名屬零陵郡宋泰始初屬湘東郡五年復故隋省入零陵縣唐武德四年復置屬永州貞觀元年省四年又置

石燕山在縣西北九十里煙江源出此為符山在縣北六十里元成宗時劉國傑討平永盜相要地為三屯衡曰清化永曰烏符武岡曰白蒼邈眾耕屯使賊不得為巢穴縣境香爐山韓家山烏塘山並產鐵砂

祁水在縣北十五里舊名洩口水酈道元云洩口水出永昌縣北羅山東南流逕石燕山東又東南逕永昌縣南又東流注于

湘水縣境白江水亦注湘

浯溪在縣西南北入湘又梅溪餘溪並在縣東北並注湘

縣故城有二唐縣在今縣東南俯臨大江三國吳縣又在唐縣

東北九十里明景泰中移今治又吳永昌廢縣在縣西八十里

東安縣簡東至府九十里

有深埠石期荆塘三鎮巡檢二
駐蘆洪及石期市

漢泉陵縣地晉分置應陽縣屬零陵郡隋省入零陵縣宋雍熙

元年始升東安場置縣屬永州

湘水自廣西全州流入縣境又逕零陵合瀟水又北流逕祁陽

縣入衡州府界縣境石期江大陽江應水並注湘

應陽廢縣在縣東北

道州難北至府一百五十里

漢置營浦縣屬零陵郡三國吳分置營陽郡晉初省仍屬零陵

東晉又分置營陽郡梁初置永陽郡後兼置營州尋廢隋平陳

郡廢為永陽縣仍屬零陵郡唐武德四年改縣曰營道復置營

州五年改為南營州貞觀八年改為道州十七年廢入永州上

元二年復置天寶初改為江華郡乾元元年復為道州五代屬

湖南宋亦曰道州江華郡元至元十三年置安撫司十四年改

道州路總管府屬湖廣行省明洪武初曰道州府九年改曰道

州以州治營道縣省入屬永州府

營山在州西四十里接廣西灌陽縣界其中峯最高營水出此

大陽原在州南一名班竹巖

瀟水在州北源出瀟山東流入營水州境泡水濂溪水並注營

水龍遙水合瀟水

營浦故城在州北

有庠墟在州北接東安界孟子舜封象于有庠魏王泰謂之鼻

亭

甯遠縣

簡西北至府一百八十里

有梅岡一鎮巡檢駐魯

漢置冷道營道二縣屬零陵郡東晉改屬營陽郡隋省冷道入營道仍屬零陵郡唐武德四年改置唐興縣屬道州長壽二年改曰武盛神龍元年復故天寶元年改曰延唐五代時屬楚改曰延昌後唐同光初復故晉天福七年改曰延喜宋乾德三年始曰甯遠屬道州

本朝屬永州府

九疑山在縣南六十里史記舜葬于蒼梧九疑班固云九疑山在營道縣南文穎曰其山半在蒼梧半在零陵其上有九峯皆相似故名又舂陵山在縣東北接新田縣界舂陵水出焉

營水源出縣南西流逕江華縣東又北流逕道州及零陵縣入湘水自道州以上今謂之澁水自道州以下今謂之瀟水縣境都溪水冷水竝注營水

營道故城在縣西冷道故城在縣東舂陵故城在縣西北銀場在縣南王存云甯遠有上下槽一銀場

虞舜陵在縣東南史記舜葬于江南九疑是為零陵注皇覽曰舜冢在零陵營浦縣漢書元封五年望祀虞舜于九疑

永明縣

難東北至府二百二十里

有白象一鎮巡檢駐桃川市

漢置謝沐縣屬蒼梧郡晉屬臨賀郡宋屬臨慶國齊仍屬臨賀郡隋省入永陽唐武德四年徙置永陽縣屬營州貞觀八年省入營道天授二年復置屬道州天寶元年始曰永明宋熙寧五年省為鎮八營道元祐元年復置

本朝屬永州府

掩水在縣西北源出掩山有石掩穴口故名溉田數千頃南流合警水瀑帶水興化水入道州界合營水沐水在縣西南三里西流入廣西恭城縣界縣境遶水扶靈水竝注沐水

縣故城在今縣南元時移今治謝沐廢縣在縣西南

鎮峽關在縣西六十里班固云謝沐有關今設百總戍守

江華縣 難北至府二百二十里 有高寨一鎮巡檢二駐錦岡及錦山寨

漢置馮乘縣屬蒼梧郡晉屬臨賀郡宋屬臨慶國齊仍屬臨賀郡隋改屬零陵郡唐武德初析置江華縣屬道州貞觀十七年改屬永州上元二年還屬道州文明元年改曰雲溪神龍元年復故

本朝屬永州府

吳望山在縣南五十里又萌渚嶺在縣西南十五里酈道元云五嶺之第四嶺也其山多錫亦謂錫方矣

馮水在縣東南源出嶺東山酈道元云馮水又左合萌渚之水又逕營道縣而右會營水按萌渚水今在縣西南

縣故城在今縣東南明天順中遷今治又漢馮乘故城在縣西南

鐵場在縣南宋史江華有黃富鐵場

三宿在縣西南皆平地獠也明洪武初招撫下山附籍大桐鄉每宿僉點一人為千長聽調一人征勦立獠老以約束眾獠三宿謂竹子尾宿且久宿平岡宿

新田縣 簡西少北至府二百八十里

漢冷道縣及桂陽郡耒陽縣地隋為營道縣地唐大曆二年析

延唐置大厯縣屬道州宋乾德三年省入甯遠明崇禎十二年復析置新田縣屬永州府

春水在縣南東流入桂陽州界班固云耒陽春山春水所出北至鄱入湘過郡二行七百八十里

大厯縣故城在縣西

寶慶府

原額入丁五萬四千一百三十八
又滋生人丁二百五十

秦以前同長沙府漢屬長沙國零陵郡地後漢屬長沙零陵二郡地三國吳孫皓分置昭陵郡晉太康中改為邵陵郡屬荊州永嘉初改屬湘州咸和三年仍屬荊州宋屬湘州隋平陳郡廢屬潭州大業三年屬長沙郡後置建州唐武德四年置南梁州貞觀十年改曰邵州開元二十一年屬江南西道天寶初曰邵

陽郡乾元初復曰邵州五代時屬楚晉天福中改曰敏州漢復故宋仍曰邵州邵陽郡屬荆湖南路寶慶元年升為寶慶府元至元十三年立安撫司十四年改寶慶路總管府屬湖廣行省

明洪武初復曰寶慶府

府境

東西距六百六十里
南北距六百三十里
東至衡州府衡陽縣界一百二十里
西至靖州府綏寧縣界三百二十里
南至永州府東安縣界一百一十里
北至辰州府淑浦縣界二百八十里
東南至永州府治三百里
西南至廣西全州治四百二十里
東北至長沙府治四百五十里
西北至辰州府治二百五十里
自府治至京師五千里

八到

土貢

麻布 黃蠟 鐵 茶 煤

管縣四州一

邵陽 新化 城步 武岡州 新甯

繁難郭下 有巡檢二駐隆回及里田鋪

漢置昭陵縣三國吳置昭陵郡治此晉改縣曰邵陵隋平陳郡廢改縣曰邵陽屬潭州大業三年屬長沙郡唐為邵州治五代晉天福中楚馬希範改曰敏政為敏州治漢時楚馬希廣仍曰邵陵為邵州治宋寶慶初為寶慶府治

資水今名資江源出武岡州西南唐糾山東北流入縣境又北流逕新化縣入長沙府界又漣水在縣東北流入長沙府界水經漣水出連道縣西資水之別又縣境夫夷水覓水石馬江水竝注資邵水合桐江水雲泉水高平水注資新甯縣境諸水又竝注夫夷水烝水在縣東南東流入衡州府界舊作承酈道元云承水出衡陽重安縣西邵陵縣界邪薑山

建州故城在縣北二里又漢昭陽廢縣在縣東南五十里
新化縣 繁難南至府一百八十里 有蘇溪一鎮

漢長沙國益陽縣地三國吳分置高平縣屬昭陵郡晉太康元年改曰南高平後復故屬邵陽郡梁以後省隋唐為蠻地宋熙甯五年收復置新化縣屬邵州寶慶初屬寶慶府
文斤山在縣南一百里今名文仙山

縣故城在今縣北八十里又高平廢縣在縣西南
城步縣 繁難東北至府四百二十里 有巡檢二駐橫嶺岡及江頭

漢都梁縣地晉以後為武岡縣地宋為武岡及綏甯縣地熙甯八年置城步砦屬武岡縣明洪熙初置城步巡司宏治十七年析武岡州及綏甯縣置城步縣

巫水在縣南源出巫山今名巫山江北至武岡州入資水縣境

真良水石井水竝注巫水

武岡州 繁疲難東北至府二百八十里

有峽口鎮州同駐
高沙市巡檢二驛
硤口石門

漢置都梁侯國屬零陵郡後漢為都梁縣晉武帝分置武剛縣與都梁俱屬邵陵郡梁改武剛為武強隋二縣俱省唐武德四年復置武岡縣屬邵州宋崇甯五年升為武岡軍元至元十三年置安撫司十四年升武岡路總管府明洪武元年曰武岡府九年降為州以州治武岡縣省入改屬寶慶府

唐糾山在州西南一百里接靖州綏甯縣界一名路山司馬彪

云都梁有路山武岡山在州北五里都梁山在州東北

都梁水在州西源出天尊山東南流至城西入城從東門出為

渠江入資水州境洞口水亦注資

都梁故城及晉建興廢縣竝在州東北

新甯縣 簡東北至府三百十里 有靖位一鎮

漢置夫彝侯國屬零陵郡晉改屬邵陵郡東晉改曰扶縣梁改為扶陽後仍曰扶彝縣隋省入邵陽唐為武岡縣地宋紹興二十五年復分置新甯縣屬武岡軍元屬武岡路明隸武岡州

本朝屬寶慶府

縣故城在今縣東二里夫夷故城在縣東北

岳州府 衝繁疲難

原額人丁九千六百九十一
又滋生人丁八百六十九

禹貢荊州之域為三苗國地春秋時屬楚亦為麋羅二國地戰國屬楚秦為長沙郡地漢屬長沙國三國屬吳晉始置巴陵縣屬長沙郡宋元嘉十六年分長沙置巴陵郡屬湘州尋屬鄂州

梁兼置巴州隋平陳郡廢改巴州曰岳州大業初又改羅州尋曰巴陵郡唐武德四年復置巴州六年仍曰岳州天寶元年改曰巴陵郡乾元元年復曰岳州屬江南西道五代屬楚後屬周行逢宋曰岳州巴陵郡岳陽軍屬荆湖北路紹興二十五年改曰純州華容軍三十一年復故元至元十二年為岳州路屬湖廣行省明洪武二年改為岳州府旋降為州十四年復為府

府境 東西距三百八十里 南北距三百四十里 東至湖北通城縣界一百八十里 西至澧州安鄉縣界一百八十里 南至長沙府瀏陽縣界二百九十里 北至湖北監利縣界三十里 東南至江西甯州界三百六十里 西南至常德府龍陽縣界二百十五里 東北至湖北嘉魚縣界二百十里 西北至湖北石首縣界二百五十里 自府治至京師四千二百五十里

土貢

鐵 絹 方竹 茶 鼈甲 文魚 鯉魚 蓴菜

管縣四

巴陵 臨湘 平江 華容

巴陵縣 衝繁疲難郭下 有青岡驛縣丞駐林街

漢長沙郡下雋縣地晉太康元年置巴陵縣宋元嘉十六年為巴陵郡治梁為巴州治隋為巴陵郡治唐為岳州治 巴丘山在府城內西南隅亦名巴陵一名天岳水經湘水又北至巴丘山入于江又府城西門樓名岳陽樓下瞰洞庭君山在縣西南洞庭湖中一名湘山亦稱洞庭山山海經洞庭之山帝之二女居之史記秦始皇二十八年浮江至湘山祠酈道元云山東北對扁山兩山相次去數十里今扁山在縣南 城陵磯在縣北十五里蜀江口也江西來洞庭南注合流于此

爲一州水口

洞庭湖在縣西南爲湖南衆水之滙縣居其東華容及澧州之安鄉二縣居其北常德府之龍陽居其西南沅江縣居其南長沙府湘陰縣居其東南夏秋水漲周圍八百餘里其沿邊則有青艸湖翁湖赤沙湖黃驛湖安南湖大通湖并名合爲洞庭水經湘水又北過下雋縣西微水從東來流注之又北至巴丘山入于江酈道元云湘水左會小青口資水也世謂之益陽江湘水左逕鹿角山東又北合茶浦又北得萬浦湘水左則沅水注之謂之橫房口右屬微水西流注于江謂之麋湖水湘水左則澧水注之世謂之武陵江凡此四水同注洞庭北會大江名爲五渚戰國策云秦與荆戰大破之取洞庭五渚也
舵解洲在洞庭湖中雍正九年特發帑金二十萬于此洲建造

石臺袤九十六丈高六丈址廣三十丈頂二十丈北如弓背式浪至易分南爲偃月堤灣深可泊凡往來舟楫遇水漲風驟棲宿臺南可無漂溺之患

荆江口在縣北洞庭水入江處也亦名西江口又名三江口上有巴陵關

麋城在縣東南三十里左傳定公五年秦師敗吳師吳師居麋又楚王使王孫由余城麋又劉備城在縣北六十里

臨湘縣

衝繁西南至府九十里

有雲溪長安二驛鴨欄磯長安二鎮巡檢二駐長安及桃林土門

漢下雋縣地晉以後爲巴陵縣地五代唐清泰中湖南于此置王朝場宋淳化五年升爲王朝縣屬岳州至道二年改臨湘縣如山在縣東北八里水經江水自彭城磯東逕如山北卽此

陸城在縣東南三十里

平江縣 疲難西北至府二百四十里

有大荆驛巡檢駐長壽

漢長沙郡羅縣地後漢分置漢昌縣三國吳改縣曰吳昌仍屬長沙郡梁屬岳陽郡隋開皇九年省入羅縣唐武德八年又省羅縣入湘陰神龍三年復分湘陰置昌江縣屬岳州五代唐改曰平江元元貞初升為州屬岳州路明復為縣

幕阜山在縣東北接江西甯州界

汨水在縣南自江西甯州流入至縣東合純盧二水逕縣西會昌水又西流至鷺籠江入長沙府界縣境百鉛水曲溪水浯溪水淩源水中洞水等竝注汨又瀆水在縣南亦西流入長沙府界

漢昌故城在縣東

金場在縣境王存云平江縣有土竈一金場

華容縣

疲難東至府一百八十里

有鼓樓黃家二鎮巡檢駐黃家穴

漢孱陵縣地屬武陵郡晉置南安縣屬南平郡南北朝宋曰安南梁置南安郡尋廢隋開皇十八年改縣曰華容屬岳州大業初屬羅州尋屬巴陵郡唐屬岳州垂拱二年更名容城神龍元年復曰華容

方臺山在縣南三十二里出雲母石

大江自荊州府石首縣流入縣境與湖北監利縣分界又東南逕巴陵縣會洞庭諸水又東逕臨湘縣入武昌府界

澧水在縣南自澧州安鄉縣流至縣境入洞庭湖酈道元云澧水會于沅今考沅澧不相通為洞庭湖所隔

安南故城在縣西

赤亭城蕭城在縣南岳城潑張城在縣西北

朱家垵堤在縣東按縣堤共三十二處竝

本朝雍正二年發帑修

曾孫用勳校刊

乾隆府廳州縣圖志卷三十四

賜進士及第翰林院編修充 國史館纂修官 臣 洪亮吉撰

湖南布政使司

常德府 衝繁難

原額人丁三萬五千七百五十四
又滋生人丁三百四十五

禹貢荊州之域春秋戰國屬楚秦黔中郡地漢高帝置武陵郡
順帝時荊州刺史治三國屬吳晉屬荊州宋齊屬郢州梁置武
州後廢陳天嘉元年復置大建七年改沅州隋平陳郡廢改曰
朗州大業初仍曰武陵郡唐武德四年平蕭銑復置朗州天寶
初仍曰武陵郡乾元初復曰朗州五代時屬楚後周行逢據其
地初為永順節度後改武平宋建隆四年罷軍仍曰朗州武陵
郡祥符五年改曰鼎州政和七年置常德軍節度乾道元年升

常德府屬荆湖北路元為常德路屬湖廣行省明復曰常德府

府境

東西距四百二十里
南北距六百二十里

八到

東至長沙府益陽縣界一百六十里
西至辰州府沅陵縣界二百六十里
南至長沙府安化縣界一百二十里
北至澧州府九十里
東南至長沙府益陽縣界一百三十五里
西南至沅陵縣治三百八十里
東北至岳州府治四百五十里
西北至澧州府石門縣治二百二十里
自府治至京師三千九百八十里

土貢

包茅 蒟醬 蠟 黃精 翡翠 鱉魚 鮓魚

管縣四

武陵 桃源 龍陽 沅江

武陵縣

衝繁疲難郭下

有大龍驛崇孝一鎮縣丞駐牛鼻灘巡檢駐大龍

漢置臨沅縣屬武陵郡後漢為郡治隋改置武陵縣仍為郡治

善德山在縣東南十五里一名枉山亦名枉人山霞山在縣南
八十里塔山在縣西南九十里並有淘金場

枉水在縣南一名蒼溪源出霞山東北流逕善德山人沅楚辭
朝發枉渚兮夕宿辰陽漸水在縣北源出梁山會潛水流逕龍
陽縣西北注沅水一名澹水一名鼎水班固云索縣漸水東入
沅

臨沅故城在縣西又漢索縣故城在縣東北六十里沅南故城
在縣西南七十里

張若城在縣東司馬錯城在縣西南城在縣東南

右史堰在縣北考功堰在縣東北唐刺史温造李翱所開其溉
田三千餘頃以二人歷官得名

桃源縣

衝繁難東至府八十里

有桃源鄭家新店三驛高都蘇溪麻溪三鎮巡檢二

漢臨沅縣地後漢建武二十六年分置沅南縣屬武陵郡隋省入武陵宋乾德元年析置桃源縣屬鼎州南宋屬常德府元元貞元年升為州明洪武三年復降為縣

夷望山在縣西南一百二十里沅江中

沅水自辰州府沅陵縣流入縣境又東逕武陵龍陽沅江入洞庭湖應劭曰沅水出牂柯入於江縣境諸溪水並注沅

采菱城在縣東北

龍陽縣 衝西至府八十里

有小江鼎口二鎮 巡檢駐龍潭橋

漢索縣地後漢漢壽縣地三國吳析置龍陽縣屬武陵郡唐屬朗州宋初屬鼎州大觀中改曰辰陽紹興三年復故五年置軍使三十年復為縣屬常德府元元貞元年升為州明洪武九年

復降為縣

滄浪水在縣西滄水源出縣城南滄山東北流至此與浪水合出滄港入江

縣故城在今縣西

沅江縣 簡西北至府二百七十一里

漢益陽縣地梁置藥山縣兼置郡隋開皇中郡廢改縣曰安樂十八年又改曰沅江屬巴陵郡唐屬岳州乾寧中改曰橋江五代時改屬朗州宋乾德元年復曰沅江仍屬岳州南渡後還屬鼎州乾道中復屬岳州尋還屬常德府元元貞元年改屬龍陽州明洪武二年併入龍陽十三年復置

湘山在縣東北接岳州巴陵縣界班固云益陽湘山在北資水在縣西南自長沙府益陽縣流入又北流入洞庭湖其支

流自縣南瓦石磯分流東至長沙府湘陰縣界注湘水水經資水又東與沅水入于湖中東北入于江

梁重華故城在縣東藥山故城在縣西

劉公城在縣西三里

辰州府

衝繁難

原額人丁一萬三千六百七十五
又滋生人丁四百二十九

禹貢荊州之域戰國屬楚為黔中秦置黔中郡漢為武陵郡地陳分置沅州及通甯郡太建七年州廢改置沅陵郡隋開皇中郡廢改置辰州大業初仍曰沅陵郡屬荊州唐武德三年復曰辰州景雲二年置都督府開元二十七年府罷屬黔中郡天寶初改為瀘溪郡乾元初復曰辰州五代時屬楚宋亦曰辰州盧谿郡屬荆湖北路元曰辰州路屬湖廣行省明曰辰州府

本朝因之分巡辰永沅靖道駐此分防同知二一駐乾州東距

府二百五十里今轄紅苗一百十五寨一駐永綏東距府三百

里轄紅苗二百二十八寨通判一駐鳳凰營東北距府二百八

十里轄紅苗一百五寨轄下並置巡檢永綏及鳳凰營各二

府境

東西距四百八十里
南北距四百二十里

八到

東至常德府桃源縣界一百四十里
西至貴州鎮遠府界一百四十里

南至寶慶府新化縣界一百五十里
北至永順府永順縣界一百八十里

東南至寶慶府武岡州界三百四十里
西南至貴州鎮遠府界四百四十里

東北至岳州府慈利縣界三百六十里
西北至永順府保靖縣界一百六十里

自府治至京師四千三百四十里

土貢

鐵 丹砂 絹 黃蠟 白蠟 葛 蜂蜜 茶
漆 桐油 黃精 茜草

管縣四

沅陵 瀘溪 辰溪 溆浦

沅陵縣

衝繁難郭下

有馬底一鎮縣丞駐

蒞溪巡檢駐馬底

漢置縣屬武陵郡陳為沅陵郡治唐以後為辰州治

壺頭山在縣東北一百三十里接常德府桃源縣界司馬彪云

沅陵有壺頭山劉昭注馬援軍渡處又天小西山並在縣西北

施黔水在縣西南一名施溪北流入沅水縣境酉水諸鼻水夷

水並注沅酉陽水合酉水注沅

黔中故城在縣西又縣故城在今縣西南下雋故城在縣東北

唐渭陽廢縣在鳳皇營西南

淘金場在縣西北圖經沅陵等縣出麩金

瀘溪縣 衝北至府治一百十里

有巡檢駐船溪

漢沅陵縣地梁天監十年置瀘州尋廢隋大業末蕭銑析置瀘

瀘縣唐屬辰州

本朝改瀘為瀘

武山在縣西一百八十里李賢云瀘溪縣西有武山高可萬仞

山半有槃瓠石室

武溪在縣西源出武山合小河逕縣城南合沅水一名武水一

名盧水後漢書建武二十三年精夫相單程等據險隘寇郡縣

武威將軍劉尚發南郡長沙武陵兵萬餘人乘船泝沅水入武

溪擊之

縣故城在今縣西南宋南渡後徙今治

辰溪縣

衝北至府一百七十里

有渡口普市二鎮

巡檢駐黃溪口

漢置辰陽縣屬武陵郡梁置南陽郡隋開皇初廢改置壽州平

陳後改縣曰辰溪十八年改州曰充州大業初州廢縣屬武陵

郡唐屬辰州

五城山在縣東一里李吉甫稱武陵記云楚威王使將軍莊蹻定黔中因山造城故名

沅水自沅州府黔陽縣流入縣境又北逕瀘溪沅陵入常德府界縣境諸溪水並注沅辰水在縣西南一名錦水自貴州銅仁縣東南流入鳳皇營及沅州府麻陽縣界又東北至縣西南注沅班固云辰陽三山谷辰水所出南入沅行七百五十里縣境洞水溪雄溪注辰水按此水逕古錦州故謂之錦水沅陵縣東亦有辰水南流入沅與此水名同實異

辰陽故城在縣西又隋充州廢郡建昌廢縣並在縣西北

劉尚城在縣東南五里

澱浦縣難北至府二百七十里有長律一鎮巡檢駐龍潭

漢置義陵縣屬武陵郡後漢省入辰陽唐武德五年分置澱浦縣屬辰州

鄜梁山在縣東南一百五十里今名頓家山接寶慶府邵陽縣界班固云義陵鄜梁山序水所出又縣東南十二里金井山舊有淘金坑

澱水在縣南舊作序西北流至辰溪縣南入沅縣境諸溪水並注澱

義陵廢縣在縣南三里龍堆隴

車靈城在縣南一里洛陽城在縣西門外

沅州府衝

原額人丁

漢武陵郡無陽縣後漢省晉復置舞陽縣仍屬武陵郡義熙中

徙梁以後為龍標縣地唐先天二年分置潭陽縣屬沅州開元十三年屬巫州天寶初屬潭陽郡乾元初屬巫州大歷五年屬敘州五代時楚馬希範置懿州馬希萼改為洽州宋乾德三年仍為羈縻懿州熙寧七年收復置沅州潭陽郡改置盧陽縣為州治屬荆湖北路元初為沅州安撫司至元十四年改為沅州路總管府屬湖廣行省明洪武初曰沅州府八年降為沅州以州治盧陵縣省入屬辰州府

本朝乾隆年復升為府分防通判一駐涼散

府境 東西距 南北距

八到 東至辰州府辰谿縣界 西至貴州鎮遠縣界 南至靖州會同縣界 北至辰州府鳳皇營

東南至 西南至

東北至 西北至 自府治至 京師四千六百十里

土貢 桐油 竹雞 土綢 丹砂

管縣三

芷江 黔陽 麻陽

芷陽縣 衝繁難郭下

有便水晃州羅舊懷化四驛縣丞 駐榆林灣巡檢二駐懷化便水

乾隆年置為府治

無水在縣南自貴州玉屏縣流入縣境又東南流至黔陽城西入沅水一曰巫水亦曰灑水又曰灑水五溪之一班固云無陽無水首受故且蘭南入沅行八百九十里縣境諸溪水並注無水龍門谿西溪注辰水

無陽廢縣在縣東南又唐峩山廢縣在縣西一百里渭溪廢縣

在縣西百二十里

黔陽縣

衝西北至府八十里

有巡檢駐江口

漢置鐔成縣屬武陵郡晉曰鐔成縣義熙中省徙武陽縣于此仍屬武陵郡梁置龍標縣隋屬沅陵郡後省唐武德七年復置龍標縣屬辰州貞觀元年屬巫州天授二年改曰沅州開元十三年改曰巫州天寶初改曰潭陽郡屬黔中道乾元初復曰巫州大歷五年更名敘州五代時屬楚後為蠻所據宋熙寧七年收復元豐二年改置黔陽縣屬沅州

羅公山在縣東南一百六十里接寶慶府武岡州及靖州會同縣界酈道元謂之龍橋山一名羅翁山又七寶山在縣南一里沅水無水合流于此

沅水自靖州會同縣流入縣境又東北流入辰州府界縣境諸

溪水並注沅

鐔城故城在縣西南

諸葛城在縣西南四十里馬王城在縣東

麻陽縣

難南至府一百三十里

有巡檢駐巖門

漢沅陵辰陽二縣地唐武德三年分置麻陽縣屬辰州宋熙寧七年改屬沅州

包茅山在縣東九十里茅坪邨李吉甫云包茅山產茅有刺而三脊

獨母水在縣東今名龍門溪酈道元云源南出龍門山歷獨母溪北入辰水又縣境白旗水及諸溪水並注辰水

縣故城在今縣東宋移治于錦州界又唐錦州故城在縣西四里宋富州故城在縣東北唐龍門廢縣在縣東輕土邨盧陽廢

縣在縣西三十里杜壤招諭廢縣在縣東北

永順府難

見在三萬一千四百六十九丁

秦以前同辰州府漢置西陽縣屬武陵郡梁改置大鄉縣隋屬沅陵郡唐天授二年于縣置溪州開元二十一年屬黔中道天寶初改曰靈溪郡乾元初復曰溪州五代時屬楚宋為羈縻上中下溪三州屬荆湖北路元至元中置永順路至大元年改為永順等處軍民安撫司至正七年升宣撫司屬四川行省明洪武六年升為永順等處軍民宣慰使司屬湖廣都司

本朝雍正七年苗人嚮化願設官輸賦比內地改為永順府分防同知駐喜鵲營通判駐江西寨

府境

東西距五百五十里
南北距五百五十里

八到

東至辰州府沅陵縣界二百里
西至四川酉陽州界三百里
南至辰州府乾州六里花園界三百里
北至湖北鶴峰州界三百五十里
東南至辰州府沅陵縣界一百四十里
西南至辰州府永綏協界二百三十里
東北至澧州安福縣界二百三十里
西北至湖北來鳳縣界三百里
自府治至京師四千八十里

土貢

土綱 桐油 蜂蜜 山牛 山羊 錦雞 竹雞
黃連 茜草

管縣四

永順 龍山 保靖 桑植

永順縣

難郭下 有巡檢駐王村

漢西陽縣地梁以後為大鄉縣五代時蠻置永順州宋為羈縻州

本朝雍正七年改置永順縣移治于舊司治西北三十里

西水在縣西南源出縣西北又東南流入辰州府界班固云沅縣西陽山西水所出南至沅陵入沅行千二百里縣境諸溪水並注西水

西陽故城在縣南又下溪州故城在縣東南五代施溶廢州在縣東南九十里宋南渭廢州在縣西

銅柱在縣東南一百四十里接辰州府沅陵縣界五代時馬希範置與溪州分界

龍山縣難東至府二百二十里有龍頭一鎮巡檢駐

漢西陽縣地晉分置黟陽縣屬武陵郡宋齊後省入大鄉縣五代及宋為上溪州蠻地元為白岷洞長官司屬新添葛蠻安撫司為江西寨明改屬永順宣慰使司
本朝雍正七年改置龍山縣

溪州故城在縣東南又上溪廢州晉黟陽廢縣並在縣境
保靖縣難北至府一百四十里有巡檢駐張家壩

漢置遷陵縣屬武陵郡南齊省梁以後為大鄉縣地唐貞觀八年析置三亭縣屬溪州五代時蠻置保靖州宋為羈縻州屬荆湖路元屬新添葛蠻安撫司明初置保靖州安撫司洪武六年升保靖軍民宣慰使司屬湖廣都司領五砦篁子坪二長官司
本朝雍正七年改置保靖縣

黔山在縣西李吉甫云後漢時陸康伐蠻假道此即禱請為援諸樹木皆有人馬之形因平羣寇改為武神山

更始水在縣北自四川西陽州流入又東流至永順縣界入西水一名北河酈道元云更始水即延江支分之始縣境諸溪水並注更始水

遷陵故城在縣東又三亭故城在縣西唐洛浦廢縣在縣南

龍標城在縣東

桑植縣 難南至府一百二十里

有巡檢駐上下二崗

漢充縣地晉臨澧縣地隋以後崇義縣地唐為慈利縣地五代以後為蠻所據元置桑植安撫司至正末廢明永樂四年復置屬九溪衛領美坪等十八洞

本朝雍正七年改置桑植縣移治于舊司治東五十里九溪衛之安福所

西河在縣西南亦名西水源出龍山縣界東南流逕縣西又東

南流入澧州安福縣界入澧水縣境諸水並注西河

澧州 衝繁難

有蘭松水馬二驛嘉山匯口三汊

原額人丁一萬二千九百二十八

又滋生人丁六百八十 河津市四鎮巡檢二駐清化順林

漢孱陵零陽二縣地屬武陵郡三國吳分屬天門郡東晉析置義陽郡隋平陳廢郡置松州兼置澧陽縣為治尋改州為澧州大業初曰澧陽郡唐武德四年復為澧州天寶初曰澧陽郡乾元初復曰澧州屬江南道五代屬楚後為周行逢所據宋亦曰澧州澧陽郡屬湖北路元至元中立澧州路總管府屬湖廣行省明洪武初曰澧州府二十九年降為州以州治澧陽縣省入明年改屬岳州府

本朝雍正七年改直隸州分巡岳常澧道駐此州判駐津市鎮

州境 東西距四百二十五里

八到 南北距二百五里 東至岳州府華陽縣界一百二十五里

西至永順府永順縣界三百二十里

南至常德府武陵縣界一百二十里

北至湖北公安縣界八十五里

東南至常德府沅江縣界一百四十里

西南至常德府桃源縣治二百五十五里

東北至公安縣界八十里
西北至湖北枝江縣治三百六十里
自州治至京師三千四百七十八里

土貢

鐵 石青 石綠 漆 桐油 竹篔 野牛 玉面
狸 石鯽魚 綠毛魚 鱧魚 石松 石耳 石笋

管縣四

安鄉 石門 慈利 安福

關山在州東十五里

涪水在州東北東南流入澧水楚辭九歌望涪陽兮極浦

鹽井在州北八十里

隋松州故城在州東南

申明城宋玉城並在州南六十里馬援城在州東新城在州東

南三十里竹城在州城東南一里

安鄉縣簡西至州六十里 有羌口一鎮

漢武陵郡孱陵縣地後漢建武十六年分置作唐縣三國吳為南郡治晉太康元年置南平郡治作唐東晉分置義陽郡陳復為南平郡治隋廢南平郡改作唐曰孱陵縣又廢義陽郡置安鄉縣俱屬澧陽郡唐初二縣屬澧州貞觀元年省孱陵入安鄉宋屬澧州元屬澧州路明屬岳州府本朝雍正七年改屬澧州

黃山在縣北六十里接湖北石首縣界

澧水在縣東今名後河酈道元云澧水上承澧水于作唐縣東逕其縣北又東注于澧謂之澧口

作唐故城在縣北又義陽故城在縣西南縣故城在今縣治南

楊城在縣西南九十五里

石門縣難東至州六十里 有巡檢駐水南渡

漢武陵郡零陽縣地三國吳永安六年析置天門郡晉太康四年置澧陽縣為郡治陳改郡縣俱曰石門隋廢郡縣屬澧陽郡唐屬澧州明屬岳州府

本朝雍正七年改屬澧州

層步山在縣東北三里酈道元云層步山高秀特出下有峭澗

泉流所發南流注于澧水

澧水在縣西北源出安福縣西北南流入縣界入澧水俗名鐵

水河又縣境道水注澧黃水注澧水

慈利縣 簡東北至州一百四十里 有巡檢駐九溪衛

漢置零陽縣屬武陵郡三國吳分屬天門郡齊省隋開皇中改置零陵縣十八年又改曰慈利屬澧陽郡唐屬澧州元至元初升為慈利州明初復為縣

九渡山在縣西南三十里酈道元云九渡水南出九渡山山下有溪亦以九渡為名黃石山在縣西北

澧水在縣西北源出湖北鶴峰州界東南逕安福縣流至縣境

入澧水縣境九渡水溫泉水等並注澧

縣故城在今縣西明初移今治又零陽故城在縣東

白公城在縣東蠻王城在縣東三十里白抵城在縣西北覃家

城在縣西觀嘉渚

安福縣 難東北至州一百七十里

漢置充縣屬武陵郡三國吳分屬天門郡晉太康四年改縣曰

臨澧宋齊後省周置衡州隋開皇中置崇義縣十八年改州曰

崇州大業初州廢縣屬澧陽郡隋末並省縣唐武德中復置屬

澧州麟德元年省入慈利縣明洪武初置羊山衛三年改曰大

庸衛二十二年北境又置九溪衛建文初改大鋪衛為永定衛俱屬湖廣都司

本朝雍正七年改置安福縣屬澧州治澧水南裴家河

歷山在縣西班固云充縣歷山澧水所出天門山亦在縣西即古松梁山一名嵩梁山吳錄松梁山山石開處容數十丈其高以弩射之不及

澧水源出縣西東北流逕慈利石門及州南又東南流逕安鄉縣入岳州府界班固云澧水東至下雋入沅過郡二行一千二百里縣境茹水武溪水等並注澧秀水及魯陽等四溪又注澧水

三國吳淩中故城在縣西北又臨澧故城隋崇義故城明羊山故城在縣西晉溧陽故城在縣東北

郴州

繁雜

有巡檢駐良田

原額人丁三萬三百五十五又滋生人丁五百十九

禹貢荊州之域春秋戰國屬楚秦為長沙郡之郴縣漢高帝置桂陽郡屬荊州三國屬吳晉元康初分屬江州永嘉初改屬湘州咸和三年還屬江州南北朝宋屬湘州隋平陳廢郡置郴州大業初復曰桂陽郡唐武德四年仍置郴州天寶初改曰桂陽郡乾元初復曰郴州屬江南西道五代時為馬氏所據晉天福初改曰敦州漢乾祐初復曰郴州周廣順初屬南唐未幾屬南漢宋仍曰郴州桂陽郡屬荆湖南路元至元十三年置安撫司十四年改郴州路總管府屬湖廣行省明洪武初改為郴州府九年降為州以州治郴陽縣省入

州境

東西距五百八十五里南北距二百九十二里

八到

東至江西龍泉縣界三百里
西至桂陽州界四十里
南至廣東乳源縣界一百里
北至衡州府安仁縣界一百三十里
東南至江西南安府治三百里
西南至廣東連州治二百五十里
東北至吉安府永寧縣界四百里
西北至衡州府治三百里
自州治至京師四千一百十二里

土貢

銅 錫 鐵 絹 葛 茶 茜草

管縣五

永興 宜章 興寧 桂陽 桂東

黃岑山在州南六十里接宜章縣界郴水所出一名上嶺山一名客嶺山酈道元云黃岑山騎田之嶠五嶺之第二嶺又靈壽山在州西南三十里

郴水在州東北流入耒水一名黃水一名郴江州境沙江水雷

溪水白水三川水下潛水等並注郴水桂水注耒江按桂水有

二一又在桂東縣西五十里西南流注漚江

銀坑有三二在州境一在桂陽縣南宋史郴有新塘浦溪二銀

坑桂陽有延壽銀坑

永興縣 衡繁南至州八十里 有安福一鎮巡檢駐高亭

漢置便縣屬桂陽郡南北朝宋省陳復置隋又省唐開元十三年改置安陵縣天寶元年改曰高亭屬郴州宋熙寧六年改曰永興

大步江在縣東北七十里源出興寧縣山岡嶺西北流入縣境又西北合潦溪清溪二水入衡州府界名永樂江縣境靈江油塘江白豹水四十二渡水清溪水並注耒水
安陵故城在縣西五十里

宜章縣

衡繁難北至州九十里

有巡檢二駐赤石白沙

漢郴縣地隋大業末蕭銑分置義章縣唐武德七年省八年復置屬郴州宋太平興國初改曰宜章

溱水在縣西南其上流合武溪水亦稱武溪東南流入廣東韶州府界縣境遼水清白水並注溱章水又合清白水注溱

縣故城在今縣北四十里唐開元二十三年徙今治
興寧縣 疲難西至州八十里 有州門一鎮巡檢駐滁口

漢郴縣地後漢永和元年析置漢寧縣屬桂陽郡隋初省開皇十一年改置晉興縣唐貞觀八年省咸亨三年復置改名資興屬郴州宋太平興國後省嘉定二年復置資興縣紹定初改曰興寧

涿水今名程江在縣東北四十里醴醪泉西流入耒

水又縣境困江亦注耒水

資興故城在縣南

桂陽縣 簡西北至州一百六十五里

有山口濠村二鎮巡檢二駐益將鎮安

漢郴縣地後漢漢寧縣地東晉分置汝城縣屬桂陽郡陳天嘉元年改曰盧陽兼置盧陽郡隋初郡廢以縣屬桂陽郡唐屬郴州天寶初改曰義昌後唐改曰郴義宋太平興國初又改曰桂陽

耒山在縣南十里班固云郴縣耒山耒水所出西至湘南入湘又烏龍白騎山在縣南五十里酈道元云耒水發源烏龍白騎山

耒水源出縣南耒山西北流逕興寧及州又北逕永興縣入衡州府界縣境壽江水熱水涿水屋嶺水並注耒水孤山水至江

西上猶縣注大江

晉汝城故城在縣西南唐義昌故城在縣南五里

桂東縣 簡西至州二百七十里 有高勿一鎮

漢郴縣地唐義昌縣地宋初桂陽縣地嘉定四年析置桂東縣

屬郴州

漚江源出縣境西南流逕桂陽又西北逕興寧縣界入耒水一

名北水一名澄江縣境瀘渡水嚴溪水等並注漚江

萬王城在縣東北一百里萬王城山上

靖州 繁難 有巡檢駐零溪

見在一萬三千八百三丁

禹貢荊州之域秦黔中郡地漢武陵郡潭成縣地南北朝宋舞陽縣地隋龍標縣地唐敘州朗溪縣南獠地五代時為蠻地稱

誠徽二州宋初為羈縻州熙寧九年收復元豐四年復置誠州

六年置渠陽縣為州治元祐二年改為渠陽軍三年廢軍為砦

屬沅州五年復置誠州崇寧二年改靖州屬荆湖北路紹興八

年改州治縣曰永平元至元十二年立安撫司十三年改靖州

路總管府屬湖廣行省後降為州屬辰州路明洪武元年改靖

州軍民安撫司三年升靖州府九年降為州以州治永平縣省

入萬歷二十五年增設天柱縣

本朝雍正四年天柱縣改屬貴州

州境 東西距三百六十里 南北距三百七十里

八到 東至寶慶府武岡州界二百六十里 西至貴州永從縣界一百九十五里

南至廣西融縣界一百九十里 北至辰州府黔陽縣界一百八十里

東南至城步縣治二百五十里 西南至黎平府開泰縣界八十五里

東北至黔陽縣界二百九十里
西北至貴州天柱縣界三十里
自州治至京師六千里

土貢

鐵 葛 桐油 茶油 白蠟 五倍子 九肋鯨

管縣三

會同 通道 綏寧

飛山在州北十五里一名勝山山後有洗馬池味鹹可煮為鹽
金井在州境舊產金礦又寶谿在州東北亦產金

會同縣 簡南至州九十里 有洪江一鎮巡檢駐

漢武陵郡鍾成縣地宋齊為舞陽縣地隋為龍標縣地唐為朗
溪縣地五代入于蠻宋崇寧二年置三江縣尋更名會同屬靖
州迄今不改

旺溪山在縣西北六十里有溪產金宋時開採元罷

沅水在縣西自貴州天柱縣流入又東北入辰州府界

溪又洪水在縣東郎江在縣西並至辰州府黔陽縣注沅水

朗溪故城在縣境

通道縣 難北至州八十里 有巡檢駐播陽

亦漢鍾成縣地宋齊為舞陽縣地唐為朗溪縣南獠地五代入
于蠻宋元豐八年置羅蒙寨元祐二年廢崇寧二年復置羅蒙
縣尋更名通道屬靖州

福湖山在縣西南六十里宋元豐中通道廣西出是山之間

渠水源出縣西南北流逕州界至會同縣西北入郎江又羅蒙

江在縣西合多星江西南流至廣西懷遠縣注古州江

綏寧縣 繁難西至州一百十里 有巡檢二駐雙江清波

漢零陵郡都梁及武陵郡鍾成二縣地南北朝宋以後為都梁

舞陽二縣地唐為武岡縣西境五代時蠻置徽州宋元豐四年
改置蒔竹縣屬邵州崇寧五年改置綏寧縣屬武岡軍明洪武
三年改屬靖州

鳳門山在縣東一百十里東麓入武岡州界

蒔竹水在縣西今名竹舟江一名西門河即洪江上流

桂陽州 繁難

有牛橋一鎮巡檢駐泗州寨

原額人丁一萬七千六百七十四
又滋生人丁七百七十一

禹貢荊州之域春秋戰國屬楚漢郴縣地隋大業末蕭銑析置
平陽縣屬郴州唐元和初于縣置桂陽監宋紹興三年升為桂
陽軍屬荆湖南路元至元十四年又升為桂陽路隸湖南道明
洪武九年降為桂陽州省州治平陽縣入州屬衡州府
本朝雍正十年升為直隸州

州境 東西距二百二十七里
南北距二百五十一里

八到 東至郴州界三十里
西至永州府江華縣界一百九十七里
南至廣東連州界一百八十里
北至衡州府耒陽縣界七十里
東南至郴州宜章縣界一百五十里
西南至永州府新田縣界八十里
東北至郴州永興縣界六十里
西北至衡州府常寧縣界一百里
自州治至京師四千四百七十二里

土貢 鉛 蠟 山礬 龍須艸

管縣三

臨武 藍山 嘉禾

大湊山在州西半里舊經云出銀鑛又毛壽山在州西二十里
五代時產鉛宋以後絕

春水在州西自永州府新田縣流入名衡塘水合藍山縣歸水

循州境西下十八灘合桂水至常寧縣爲焦源河入湘縣境稱
梁水注春水長江水注桂水

漢漢甯故城在州北三十里

銀坑在州南李吉甫云所出銀至精好俗謂之倘子銀他處莫
及亦出銅鑛俱桂陽監鼓鑄王存云平陽縣有大湊山大板源
龍岡毛壽九鼎小白竹水頭石笋大富等九坑

臨武縣簡北至州一百四十里 有赤土一鎮

漢置縣屬桂陽郡唐屬郴州如意元年改曰龍武神龍元年復
曰臨武五代晉天福四年省入平陽宋紹興十六年復置屬桂
陽軍

桐柏山在縣西二十里一名西山酈道元云武溪水出臨武縣
西北桐柏山

溱水在縣南源出縣華陰山東流入郴州宜章縣界一名溱水
山海經肆水出臨武縣西南注于海班固云臨武溱水東南至
溱陽入滙行七百里又武溪水在縣西北二十里東流注溱水
按班固及水經並以溱水爲經流惟酈注謂溱水入武溪水以
武溪水爲正流今考當以班固及水經爲是縣境諸溪水並注
溱

縣故城在今縣東

藍山縣簡東北至州一百五十里 有毛俊一鎮 巡檢駐大橋

漢置南平縣屬桂陽郡隋省唐咸亨二年復置天寶元年改曰
藍山屬郴州宋景德三年改屬桂陽軍

黃巖山在縣北九十里一名部山水經鍾水出桂陽南平縣部
山酈道元云部山卽部龍之嶠五嶺之第三嶺也

桂水源出縣南東北流逕嘉禾縣又東北入州界合春水入湘
應劭云桂陽桂水所出東北入湘又鍾水在縣北下注湘歸水
在縣南東北流合春水一名舜水縣境諸溪水並注歸水

南平故城在縣東又縣故城在今縣北宋末遷今治

嘉禾縣

漢臨武縣地明初爲桂陽州及臨武縣地崇禎十二年析置嘉

禾縣

龍泉井在縣西灌田五百頃

